

17 JULAI 2018

Sembunyi dadah dalam 'speaker'

SINAR HARIAN • SELASA 17 JULAI 2018 17

Sinar **TENGAH**  **EDISI SELANGOR, KL PAHANG**

EDITOR: KHAIRUL AMRI YASIN PENYOLONG EDITOR: SALMIAH DRUHAMAD DRAHSIN, MOHD HAZRIZAL MOHD HANAPIAH, IZWAN ROZLIN & ASWANY OMAR

Sembunyi dadah dalam 'speaker'

Tahan 103 individu positif dadah, terlibat jenayah

HASNIZA HUSSAIN

KUALA LUMPUR

Pelbagai jenis dadah bernilai lebih RM13,000 ditemui disembunyikan dalam sebuah pembesar suara (speaker) selepas polis menyerbu sebuah pusat hiburan di Shamelin, Cheras, kelmarin.

Pemangku Ketua Polis Daerah Cheras, Superintendan Kamal Khan Mohd Shariff berkata, dalam serbuan oleh anggota Sting Bukit Aman kira-kira jam 4.40 pagi itu, polis menemui dadah terbalut di bilik 'server control' premis berkenaan.

Beliau berkata, pemeriksaan lanjut menemui empat jenis dadah disembunyikan dalam 'speaker' iaitu serbuk ekstasi seberat 211.6 gram, kanabis (192 gram), ekstasi (32 biji) serta erimin 5 (30 biji).

Katanya, tiada tangkapan dibuat bagi kes tersebut yang disiasat mengikut Seksyen 39B Akta Dadah Berbahaya 1952.

Menurutnya, siasatan bagaimanapun diteruskan bagi mengenal pasti suspek serta punca bekalan dadah diambil.

"Dalam operasi sama, kita turut memeriksa seramai 134 individu melibatkan 85 lelaki tempatan, 11 wanita tempatan, enam lelaki Bangladesh, 31 wanita Vietnam serta seorang wanita Thailand.

"Daripada jumlah itu, seramai 99 individu berusia antara 18 hingga 40 tahun ditahan atas kesalahan dadah



Dadah yang dirampas dalam serbuan di sebuah pusat hiburan di Cheras, kelmarin.

di bawah Seksyen 15 (1)(a) dan seorang mengikut Seksyen 12(2) Akta Dadah Berbahaya 1952," katanya dalam satu kenyataan media, semalam.

Kamal Khan berkata, pada operasi sama empat wanita warga Vietnam ditahan di bawah Seksyen 39(b) Peraturan Imigresen 1963.

Beliau berkata, kelmarin Jabatan Siasatan Jenayah Narkotik (JSJN) dan Jenayah (JSJ) Bukit Aman menyerbu premis terbabit untuk kali keempat.

"Kita juga dah tutup kelab

info

Polis turut memeriksa 134 individu melibatkan 85 lelaki tempatan, 11 wanita tempatan, enam lelaki Bangladesh, 31 wanita Vietnam serta seorang wanita Thailand.

ini sebelum ini, tapi nampaknya mereka tak serik dan beroperasi semula sejak sebulan lalu di bawah pengurusan baru," katanya.

Menurutnya, risikan serta pemantauan akan terus dijalankan bagi memastikan pusat hiburan di sekitar ibu negara tidak menjadi sarang pengedaran dadah.

Katanya, pada masa sama, polis memerlukan kerjasama dan maklumat orang awam supaya masalah berkenaan dapat di atasi bersama.